

**Ўзбекистон Республикаси Ахборот технологиялари  
ва коммуникацияларини ривожлантириш вазирлиги  
Жамоатчилик кенгаши мажлисининг**

**КУН ТАРТИБИ:**

**Жорий йил 14 апрель куни Ўзбекистон Республикаси Президенти  
Ш.М.Мирзиёев ҳузурида Ахборот технологиялари ва коммуникацияларини  
ривожлантириш вазирлигининг фаолияти ва 2022 йилдаги режалари  
муҳокамаси юзасидан бўлиб ўтган йиғилишда берилган топшириқлар  
тўғрисида**

**Соҳада илм-фан ва таълимни ривожлантириш, Тошкент ахборот  
технологиялари университетининг таянч “илм-фан ва таълим кластер”ига  
айлантириш ҳақида**

<b>МАХКАМОВ</b> Бахтиёр Шухратович	–	Муҳаммад ал-Хоразмий номидаги Тошкент ахборот технологиялари университети ректори в.б.
---------------------------------------	---	--

**Худудда ахборот технологияларини ривожлантириш бўйича амалга  
оширилаётган ишлар ва белгиланган вазифалар тўғрисида**

<b>ҚУРБОНОВ</b> Ғулом Каримович	–	Жиззах вилояти ҳудудий бошқармаси бошлиғи в.б.
<b>КАРИМОВ</b> Зафар Қамариддинович	–	Хоразм вилояти ҳудудий бошқармаси бошлиғи

Масъул котиб



Ш.Ахматов

**“ТАСДИҚЛАЙМАН”**

**Ўзбекистон Республикаси  
Ахборот технологиялари  
ва коммуникацияларини  
ривожлантириш вазирлиги  
Жамоатчилик кенгаши раиси  
ўринбосари**



**Ж.Т. Махсудов**

2022 йил “19” апрель

**Ахборот технологиялари ва коммуникацияларини ривожлантириш  
вазирлиги Жамоатчилик кенгаши йиғилиши  
Б А Ё Н И**

2022 йил 19 апрел

1 - сон

Тошкент шаҳри

**Раислик қилувчи:** Ж.Махсудов – Ахборот технологиялари ва коммуникацияларини ривожлантириш вазири ўринбосари, Кенгаш раиси ўринбосари

**Иштирок этганлар:** Жамоатчилик кенгаши аъзолари ва Вазирликнинг, департамент, бошқарма, бўлим бошлиқлари, вазирлик тизимидаги корхона, ташкилот ва муассасалар раҳбарлари (рўйхат бўйича)

Кун тартиби муҳокамага қўйилди ва Жамоатчилик кенгаш аъзолари томонидан кун тартиби бир овоздан қабул қилинди.

**КУН ТАРТИБИ:**

**2022 йил 14 апрель куни Ўзбекистон Республикаси Президенти Ш.М.Мирзиёев ҳузурида Ахборот технологиялари ва коммуникацияларини ривожлантириш вазирлигининг фаолияти ва 2022 йилдаги режалари муҳокамаси юзасидан бўлиб ўтган йиғилишда берилган топшириқлар ижросини ташкил қилиш тўғрисида**

*(Ж.Махсудов, Жамоатчилик кенгаши аъзолари )*

Кун тартибидаги масала юзасидан:

Ахборот технологиялари ва коммуникацияларини ривожлантириш вазирлиги масъулларининг жорий йил 14 апрель куни Ўзбекистон Республикаси Президенти Ш.М.Мирзиёев ҳузурида Ахборот технологиялари ва коммуникацияларини ривожлантириш вазирлиги фаолияти ва 2022 йилдаги режалари муҳокамаси юзасидан бўлиб ўтган йиғилишда берилган топшириқлар бўйича маърузалари;

Муҳаммад ал-Хоразмий номидаги Тошкент ахборот технологиялари университети ректори в.б. Б.Маҳкамовнинг соҳада илм-фан ва таълимни ривожлантириш, Тошкент ахборот технологиялари университетини таянч “илм-фан ва таълим кластери” га айлантириш ҳақида;

Вазирликнинг Жиззах ҳамда Хоразм вилоятлари ҳудудий бошқармалари бошлиқларининг ҳудудда ахборот технологияларини ривожлантириш бўйича амалга оширилаётган ишлар ва белгиланган вазифалар тўғрисида ҳисоботлари тингланди.

Шу билан бирга, Жамоатчилик кенгаши раиси ўринбосари Ж.Махсудов куйидаги йўналишлар ва устувор вазифаларга эътибор қаратди:

Ўзбекистонни Минтақавий IT марказга айлантириш бўйича барча зарур чораларни кўриш;

тизимдаги ташкилотларда қўшимча даромад топиш йўллари бўйича тинимсиз изланиш олиб бориши ва соҳада ўсиш суръатларини янада ошириш юзасидан чоралар кўриш;

компьютер дастурлаш хизматларини кенгайтириш, янги йўналишларни ташкил этиш ҳамда соҳада экспорт ҳажмини ошириш бўйича тегишли ишларни амалга ошириш;

“Дастурий маҳсулотлар ва ахборот технологиялари технологик парки дирекцияси” МЧЖ резидентлари томонидан юқори маошли ишчи ўринларини 15 000 тага етказиш;

жорий йил якунигача 6 800 та мобил алоқа база станцияларини қуриш, 800 мингта хонадонга юқори тезликдаги Интернет хизматига уланиш имкониятини яратиш, алоқа қамрови етиб бормаган 80 та ҳудуд ва қишлоқларни мобил алоқа операторлари томонидан мобил алоқа қамрови билан таъминлаш, 80 фоиз аҳоли масканларини юқори тезликдаги оптик толали алоқа линиялари билан, 60 фоиз магистрал автомобил йўллари мобил алоқа билан таъминлаш;

жорий йил 1 сентябрга қадар юқори қувватли маълумотларни сақлаш ва уларга ишлов бериш марказларини ишга тушириш;

шаҳар ва қишлоқлар ўртасидаги рақамли тафовутини камайтириш бўйича зарур чоралар кўриш;

“Рақамли Ўзбекистон-2030” дастурида ҳудудларда амалга оширилиши белгиланган вазифа ва топшириқлар ижросини таъминлаш;

компьютер дастурлаш хизматлари кўрсатилишини янада ривожлантириш, уларнинг салмоғини аҳоли жон бошига нисбатан кўрсаткичини яхшилаш, шу каби соҳанинг устувор йўналишларининг ҳудудларда жорий қилиш масаласини вилоят ҳокимликларида тақдимот қилиш;

Ўзбекистон бозорига янги 30 та чет эл IT компания (субъект)ларини жалб қилиш юзасидан зарур чораларни кўриш ва бошқалар.

Муҳокамаларда Кенгаш аъзолари иштирок этиб, кун тартибидаги масалалар бўйича ўз таклиф ва мулоҳазаларини билдирдилар.

Кун тартибидаги масала юзасидан қилинган маъруза ҳамда билдирилган фикр ва мулоҳазалар асосида бир қатор вазифалар белгиланди:

1. Қуйидагилар:

жорий йил 14 апрель куни Ўзбекистон Республикаси Президенти Ш.М.Мирзиёев хузурида Ахборот технологиялари ва коммуникацияларини ривожлантириш вазирлиги фаолияти ва 2022 йилдаги режалари муҳокамаси юзасидан бўлиб ўтган йиғилишда берилган топшириқлари;

Муҳаммад ал-Хоразмий номидаги Тошкент ахборот технологиялари университети ректори в.б. Б.Маҳкамов ҳамда Вазирликнинг Жиззах ва Хоразм вилоятлари ҳудудий бошқармалари бошлиқларининг ҳисоботлари маълумот учун қабул қилинди.

2. Ўзбекистонни Минтақавий ИТ марказга айлантириш вазирлик ва тизимдаги барча ташкилотларнинг масаласи устувор вазифаси этиб белгиланди.

Рақамли стратегик ривожлантириш бошқармаси (Ж.Шукуров), Электрон ҳукуматни ривожлантириш бошқармаси (А.Мансуров), Рақамли иқтисодиётни ривожлантириш бошқармаси, “Дастурий маҳсулотлар ва ахборот технологиялари технологик парки дирекцияси” МЧЖ (Ф.Ибрагимов) бир ой муддатда ушбу вазифа ижроси бўйича чора-тадбирлар режасини ишлаб чиқиб, тасдиқлашлари зарурлиги қайд этилди.

3. “Рақамли иқтисодиёт тадқиқотлари маркази” ДМ (В.Кравченко) уч ҳафта муддатда хорижий ИТ компаниялар билан ҳамкорликни йўлга қўйиш, уларнинг Ўзбекистонга олиб келиши бўйича зарурий шарт-шароитлар яратиш, шу жумладан қонунчилик бўйича мавжуд муаммоларни ўрганиш, уларни бартараф қилиш бўйича ишлар тизимли равишда ташкил этилишини таъминлаш белгиланди.

4. Ҳудудий бошқармалар фаолиятини мувофиқлаштириш бошқармаси (Ж.Жафаров), Ҳудудий бошқармалар бошлиқлари:

ҳудудлардаги фаолият юритаётган ИТ компаниялар, Масофавий хизмат кўрсатиш марказларини хатловдан ўтказиб, уларнинг ўз ҳудудларида резидент сифатида расмий рўйхатдан ўтказилиши (Тошкент шаҳрида ўтказилган бўлса, ўз ҳудудида қайта рўйхатдан ўтказилиши бўйича афзалликларни тушунтириш);

ахборот технологиялари соҳасидаги янгиликлар, қабул қилинаётган меъёрий-ҳуқуқий ҳужжатлар моҳияти, берилаётган имтиёзлар билан хабардор қилиб бориш тизими йўлга қўйилиши;

ушбу йўналишларда ноқонуний фаолият юритаётган тадбиркорлик субъектларига резидент сифатида рўйхатдан ўтказиш, имтиёзлар ҳамда кўрсатилаётган хизматлар экспортининг ўрнатилган тартибда ҳисоботи юритилиши ва бошқалар юзасидан амалий кўмак кўрсатилиши, бунда, Масофавий хизмат кўрсатиш марказлари томонидан “Ўзбектелеком” АК жойлардаги филиаллари билан телекоммуникация тармоқларидан ноқонуний фойдаланишнинг олдини олиш чоралари кўриб борилиши белгиланди.

Масъул котиб



Ш.Ахматов